

"gode"

Die mens het van die begin eeue al probeer om 'n god te wees of om een te verteenwoordig. Die volke verwag aan die anderkant weer "in die plek van" daardie god beskerming. Hulle weet dat daar 'n Skepper is van alle dinge, maar dat daardie Skepper 'n verteenwoordiger(s) moet hê op aarde (*soos onder gesien gaan word*).

Die gode soos Osiris, Adonis, Tammus of Nimrod was aanbid om die gepaste gevoel (*behoefte*) te stimuleer as aanbidding, hetsy dit vir oorlog of liefde is (*blindelings*). As die god dood gegaan het, het die volk hom onthou, want die gepaste god (*toe hy nog geleef het as 'n wese soos hulle*) het vreeslike dinge kon doen. Met die god se afsterwe het hy 'n nuwe aards status ontvang (verering). Hy is nou ontasbaar en het 'n 'heilige gees' geword. Nou die 'heilige gees' van die verskriklike heerser (god) inkarneer in die volgende god op aarde onder 'n nuwe naam. Tog is die nuwe god jaloers op die oue en probeer om nog groter dinge as sy voorganger te doen. Daarom kry jy onder die volk die veelgodery waar party van die volk die vorige god aanbid en sommige die een wat tans regeer.

Die werklike aanroep tot gode het hul ontstaan gekry voor die vloed (Noag), maar die meeste wat hier onder beskrywe word is na die vloed opgeteken (*weens die vloed alle bewyse tot niet gemaak het*).

Die god in lewendelywe (*koning / heerser*) regeer self en met die vorige god (*wat reeds gesterf het*) se krag wat aangeroep word. Hulle het altyd 'n kreet uitgeroep om krag van die vorige god af te kry tot oorwinning. Soos nou genoem is Sem se kreet nageboots waar hy (Sem) bv. YHUUH aangeroep het in tye van nood of in tye van blydschap. So het hulle Sem self aangeroep omrede hy direk met YHUUH kon kommunikeer, m.a.w. die kreet gaan so: "In die krag van Sem sal..". Later sou dit verander: "In die krag van Nimrod sal.."

Dus was die geloof: As 'n 'god' sterf inkarneer hy in die volgende god op aarde. Sy gees wat nou inkarneer was beskou as heilig. Nou in daardie "heilige gees" lê Ha satan se versteekte plan om die mens op aarde te verlei (*Verstaan eers dat elke uitverkore wese op aarde wat aan YHUUH behoort afgesonder en apart vir YHUUH gesit is, en net aan Hom behoort, m.a.w. 'n gees wat rein is behoort in YHUUH se koninkryk, en in YHUUH se koninkryk woon slegs "heilige geeste"*).

Nou, die kreet wat die (*geinkarneer*) god aanroep is na die "heilige gees" van die vorige god, want die heilige gees moet nou in hom manifesteer sodat hy ook groot en wonderlike dinge kan aanpak. Hoor julle die gevaar wat nou intree. Dié Reine Gees van VADER (YAHUSHA) word nou oor die hoof gesien en word dan geplaas in verskillende gode tot hulle satisfaksie.

So het die anti "wat in die plek van of strydend is" sy ontstaan voor Noag se tyd reeds gehad. Voordat ek verder gaan, kom ons kyk na 'n klompie gode.




Odin is die god van oorlog en sy vrou Frigg die god van die huis. Hulle seun se naam was Balder, Thor (*god van donder*) en Loki (*die kuller*). Hulle is ook gode wat eintlik Odin verteenwoordig.

Skandinawië of Noorse (Noorweë, Swede, Denemarke, Finland, Ysland) gode is waar Duitsland se voorsate lê.



Nimrod (Bel) die seun en man van Semiramis (Astarte) en Tammus hulle eenvoudige seun.

Babilon wat beteken verwarring is 100% sy naam werd, want dit is waar verwarring in alle rigtings geloop het.



Beëlsebub (god van die vlieë) Dagon

Filistyne



Brahma; Vishnu en Shiva. Wanneer hulle inkarneer is hulle 'n 'avatar' onder die name soos: Krishna; Rama; Ganesh; Kalki en nog vele meer.

Hindoeïsme



Osiris die vader en Isis die moeder van Horus die seun. Ammon Ra en Anubis wat Osiris verteenwoordig.

Egipte



Griekse gode: pa = Cronus; ma=Rhea; seuns = Zeus (*god van die hemelruim*) Poseidon (*god van die see*); Hades (*god van die onderwêreld*)

Hercules is die seun van Zeus wat die slagspreuk uitgeroep het ' by die krag van Zeus'.

Dan kan ons nog praat van Helios, Pan, Dionysus, Prometheus, Atlas, Athena Ares, Hermes, Cupid seun van Venus ; Jupiter, Janus, Mars, Mercury, Pluto, Neptune, Saturnen, Mercury en wat nog van Japannees en Chinees gode soos Boeddhisme ens.

'n Vinnige kykie na die dae en maande se name saam met hul gode afkoms.

Sondag = Romeinse dag van die son

Maandag = Anglo Sakse dag van die maan

Dinsdag = Noorse god Tiu seun van Odin

Woensdag = Noorse god Odin "Ons dag"

Donderdag = Noorse god Thor dag van donder

Vrydag = Germane godin Fria godin van liefde.

Saterdag = Romeinse god Saturn

1) = Maart = Mars die god van oorlog.

2) = April = Aperire "om oop te maak"

3) = Mei = Maia, Roomse godin van lente

4) = Junie = Juno, Roomse godin van huwelik

5) = Julie = Julius Caesar, Roomse generaal en diktator

6) = Augustus = Augustus, Roomse Keiser

7) = September = septem beteken "sewende"

8) = Oktober = octo beteken "agste"

9) = November = novem beteken "negende"

10) = Desember = decem beteken "tiende"

11) = Januarie = Janus, Romeinse god van opening en begin (twee koppe)

12) = Februarie = Februa, Romeinse fees

Die Assiriese god (Babilon) Crishna het sy seun Zoroaster genoem wat die saad van die vrou beteken (*die bekende Zoro met sy sweep wat ken tussen goed en kwaad; die wreker oor sy pa se dood en veg vir die armes, ens.*) Zoro wat ook 'n zero verteenwoordig wat 'n nul is. Dit is wel die ronde sirkel koekie (mis) wat die Roomse priester op nagmaal in sy kerkklidmate se monde indruk (*saad van die vrou*). Die saad wat ook YAHUSHA verteenwoordig!

'n Verdere skok oor die vrou aanbidding is die verskillende vroue gode soos Semiramis, Isis, Astarte of Diana het 'n baie sterk invloed op die mensdom op aarde het.

Semiramis was die vrou van Kus en het 'n ontevrede lewe onder hom gelewe weens sy heerskappy oor haar. Hy het haar ingeperk om te doen wat sy wou, en sy het ook die eerste een geword wat 'n muur rondom haar / sy woongebied gebou het waar hy en sy mense in gewoon het. Sy en haar seun Nimrod (*hoerkind*) het haar man Kus vermoor om sodoende heerskappy in die hande te kry en hulleself in die gode posisie in te skuif. Selfs Nimrod het nie geweet waarmee sy ma (vrou) besig was nie. Sy het onmiddellik die godin van alle gode geword. Kyk gerus na enige volk op aarde en jy sal daar 'n vroulike godin met 'n kind op haar skoot vind, wat beteken sy het hom voortgebring en sy is sy beskermer en opvoeder. Dus was pa (Kus) nie aanbid as 'n god nie, maar wel sy vrou en haar kinders, m.a.w. sy het nou die 'moeder godin' van die vader god geword waarvan hulle 'n seun god gehad het. Sy is nou die 'heilige gees' en haar seun wat sy voortgebring het 'Nimrod' is die almagtige vader met hul seun Tammus (*die seun wat YAHUSHA verteenwoordig*). Hoor julle die verraderlikheid! Semiramis die moeder wat ons almagtige "VADER" voortgebring het. Sy is die moeder godin van alle gode. Volgens opgrawings in Egipte sê sy: Ek is alles wat was, of wat is, of wat sal wees; geen sterfling het nog ooit my sluier gelig nie: "ek het die "Seun" voortgebring" (*Open. 18:7... Omdat sy in haar hart sê: Ek sit as koningin en is geen weduwee nie, en droefheid sal ek nooit sien nie*).

Wat beteken dit nou alles ? Dit beteken dat sy in die plek van Miriam (Maria) die moeder van YAHUSHA is; Dat sy in die plek van die Reine Gees is; Dat sy VADER voortgebring het; Dat sy die Gees is wat VADER voortgebring het en wat oorgegaan het na die Seun (YAHUSHA). Sy is die wilde duif wat Noag gestuur het. Sy word uitgebeeld in Vesta, Athor, Madonna, Juno, Venus en vele meer. Sy is die duif met die olyf takkie in die bek. Sy is in werklikheid die hoer wat op die dier sit en die wêreld verlei, en almal stroom na haar! Kyk gerus na die Rooms-Katolieke wie hulle hemelse moeder is.

Wat sê die Skrif oor die koningin. *Jer. 7:18 Die kinders maak hout bymekaar, en die vaders steek die vuur aan, en die vroue knie deeg om koeke te maak vir die hemelkoningin en vir ander gode drankoffers uit te giet om My te terg (en die vroue antwoord) 44:17 Maar ons sal stellig alles doen wat uit ons mond uitgegaan het—om vir die hemelkoningin rook te laat opgaan en vir haar drankoffers uit te giet soos ons gedoen het, ons en ons vaders, ons konings en ons vorste, in die stede van Juda en op die strate van Jerusalem; toe is ons met brood versadig en was gelukkig, en ons het geen onheil gesien nie. 44:18 Maar vandat ons opgehou het om vir die hemelkoningin rook te laat opgaan en vir haar drankoffers uit te giet, het ons aan alles gebrek gehad en het ons deur die swaard en die hongersnood omgekome.*

*44:19 En as ons vir die hemelkoningin rook laat opgaan en vir haar drankoffers uitgiet—is dit dan sonder ons mans dat ons vir haar koeke maak om haar af te beeld en drankoffers vir haar uitgiet? (so het Ha satan weereens deur die vrou “Evasgeslag” gespreek en die man Adamiet verlei). 44:25 So spreek YHUUH van die leërskaer, die Skepper van Israel, en sê: Julle en julle vroue, julle het dan met julle mond gespreek en dit met julle hande in vervulling laat gaan, terwyl julle sê: Ons sal ons geloftes wat ons gedoen het, stellig hou om rook te laat opgaan vir die hemelkoningin en vir haar drankoffers uit te giet—bevestig dan nou maar julle geloftes, ja, hou nou maar julle geloftes!*

*Open. 14:8 En ‘n ander engel het gevolg en gesê: Geval, geval het Babilon, die groot stad, omdat sy al die nasies laat drink het van die wyn van die grimmigheid van haar hoerery. 17:1 En een van die sewe engele met die sewe skale het gekom en met my gespreek en vir my gesê: Kom hierheen, ek sal jou toon die oordeel van die groot hoer wat op die baie waters sit, 17:2 met wie die konings van die aarde gehoereer het, en die bewoners van die aarde het dronk geword van die wyn van haar hoerery. 17:3 En hy het my in die gees weggevoer na ‘n woestyn, en ek het ‘n vrou sien sit op ‘n skarlakenrooi dier, vol godslasterlike name, met sewe koppe en tien horings. 17:4 En die vrou was bekleed met purper en skarlaken en versierd met goud en kosbare stene en pèrels, en sy het in haar hand ‘n goue beker gehad, vol gruwels en die onreinheid van haar hoerery; 17:5 en op haar voorhoof was ‘n naam geskrywe: Verborgenskap, die groot Babilon, die moeder van die hoere en van die gruwels van die aarde. 17:15 En hy sê vir my: Die waters wat jy gesien het, waar die hoer op sit, is volke en menigtes en nasies en tale. 17:16 En die tien horings wat jy op die dier gesien het, hulle sal die hoer haat en haar verlate maak en naak, en haar vlees eet en haar met vuur verbrand. 18:3 omdat al die nasies gedrink het van die wyn van die grimmigheid van haar hoerery, en die konings van die aarde met haar gehoereer het, en die handelaars van die aarde ryk geword het deur die mag van haar weelderigheid. 18:9 En die konings van die aarde wat met haar gehoereer en weelderig geleef het, sal oor haar ween en oor haar weeklaag wanneer hulle die rook van haar verbranding sien,*

YHUUH gee vir ons duidelik in die gelese verse met wie ons werklik te doen het en waar dit begin het. Hy sê ook in *Open. 19:2 Want Sy oordele is waaragtig en regverdig; want Hy het die groot hoer geoordeel wat die aarde met haar hoerery verderf het, en Hy het die bloed van Sy diensknegte op haar gewreek.*

Bedink dit